

公開組

冠軍

【蘇幕遮·重訪調景嶺】郭維華  
倚荒崖。臨水浹。磴磳村街。風雨征鴻  
止。嶺上春花開廢壘。夢轂鄉關。節景  
燈旗麗。路穿巒。岡削翠。笑語新  
亭。誰歎山河異。漫喚漁舟尋舊誌。滄海  
揚塵。塵擁千樓起。

亞軍

【蘇幕遮·晚眺青馬橋】梁榮基  
暮雲橫。紅日墮。鷗影翩翩。海浪連天  
簸。汲水青龍閒且臥。飲馬灣前。橋躍  
橫空過。漸蒼茫。嵐霧鎖。驀地花  
開。璀璨千花朵。舞起青龍飛焰火。盛世  
繁華。香港真堪賀。

季軍

【蘇幕遮】鄒穎文  
對熒屏。搖滑鼠。一觸神遊。彈指知今  
古。二酉圖書藏雅虎。網驛飛馳。醉夢  
尋羈旅。想停雲。離別緒。魚雁輕  
傳。鍵送幽思句。休使洪喬拋水去。電子  
詩筒。遍走天涯路。

優異獎

(排名按姓氏筆畫序)

【蘇幕遮·登山】邱萍菲

樹橫斜。花爛漫。疊翠層巒。曲陌通雲漢。蕩下清泉飛。乍起天風。倏忽盤鷹亂。遠喧囂。臨水畔。踏遍青山。坐愛松林晚。偷得浮生閒日半。悵立凝聽。古寺殘鐘喚。

【蘇幕遮·春感】胡迪乾

歎春光。如夢裡。九十韶華。荏苒隨流水。容易飄零紅與翠。花謝花飛。總為花憔悴。問神方。誰可致。擾擾塵寰。入世原多累。此日武陵如可至。遑問人間。理亂榮枯事。

【蘇幕遮·暮春贈別】傅碧玉

結青衿。同席硯。十載因緣。莫待言深淺。攜手花間風翦翦。隨意閑雲。冉冉渾舒卷。漏更長。幽夢短。無計留春。柳外鶯聲亂。惆悵落紅飛闥苑。明日天涯。憔悴憑誰管。

# 公開組

## 優異獎

(排名按姓氏筆畫序)

### 【蘇幕遮·大嶼山悟園】葉成忠

草坡斜。山路遠。園外青青。園裏春光  
滿。桂影婆娑香四散。雪樣山茶。水浴  
芙蓉懶。綠田田。波淺淺。千尾金  
鱗。一念慈悲願。入定禪蛙醒夢半。悟了  
何曾。悟了何曾見。

### 【蘇幕遮·暮春傷別】葉蘭英

鷓鴣啼。蝴蝶舞。芳浦烟迷。一霎摧花  
雨。目斷天涯人遠去。淚濕雲箋。點滴  
相思句。日初斜。春已暮。風捲殘  
紅。又自牽離緒。花落花開誰作主。春再  
來時。但願香如故。

## 特別獎

(排名按姓氏筆畫序)

### 【蘇幕遮·春暮】胡譚光

五更初。三月暮。乍見疏櫺。簾外飄紅  
雨。惆悵天涯遭逆旅。曠望家山。感念  
渾無緒。恨難銷。愁易聚。悔懊韶  
華。自恁成虛度。回首風雲時不與。目盡  
青天。夢繞神京路。

### 【蘇幕遮·盲俠】郭偉廷

涉菰蒲。棲野店。俠骨柔腸。不負聽聲  
劍。雪國竹林曾血染。心似寒灰。一撥  
還生燄。路茫茫。天黯黯。草履葫  
蘆。歷劫江湖險。懷抱慈悲偏鐵膽。大濟  
蒼生。未識人間臉。

## 學生組

### 冠軍

#### 【蘇幕遮】

沈憲漳 香港樹仁學院

淡雲飛。芳草翠。十里楊花。景色隨春  
異。地接靈山山傍水。橫舸澄江。閑引  
鴛鴦戲。卻愁難。尋醉易。遙路沉  
沉。誰解迴腸意。極目思量無好計。唯問  
漁樵。何處逃禪地。

### 亞軍

#### 【蘇幕遮】

徐瑋 香港中文大學

鎖春山。迷嶺樹。漠漠輕寒。霧暗天涯  
路。躑躅梨花零落處。錦瑟韶華。寂寞  
憑誰度。別經年。愁幾許。好夢隨  
風。錯種相思苦。猶記當初燈下語。每到  
黃昏。化作絲絲雨。

### 季軍

#### 【蘇幕遮·雲】

李卓偉 香港中文大學

影陰陰。風細細。夢覺朦朧。傾耳聽清  
脆。黏地絮柔飛不起。啼鳥多情。枝上  
長相對。雨將晴。窗久閉。昨日憑  
欄。凝看灰雲累。天上蒙塵難淨洗。怕玷  
澄藍。寧化人間水。

## 學生組

### 優異獎

(排名按姓氏筆畫序)

#### 【蘇幕遮】

江志豪 香港中文大學

又三更。猶夢裏。雁影孤飛。空寄相思字。昨日今朝皆若此。靜倚西窗。何解偏垂淚。夜啼鴉。花正墜。望斷天涯。卻在千山外。月下何時堪共醉。欲問流光。徒照盈盈水。

#### 【蘇幕遮·念故友】

李逸燊 香港樹仁學院

草離離。風細細。萬里長空。薰得遊人醉。打葉穿林驚鳥睡。振翅鳴時。裊裊餘音逝。鳥聲同。山色異。似水流年。猶記前盟誓。如畫江山空自翠。往事心中。漸化千行淚。

#### 【蘇幕遮】

吳越典 香港樹仁學院

北魚門。南鶴咀。醉望東龍。帆影頻歸浦。渺渺茫茫風浪怒。獨立山亭。冉冉斜陽暮。大頭洲。叉手處。水軟風清。月照麻黃樹。役役營營留不住。黯黯愁雲。驀地天邊曙。

### 優異獎

(排名按姓氏筆畫序)

#### 【蘇幕遮·獨遊園】

陳奕生 聖公會聖本德中學

一園風。三月雨。已是春分。猶帶寒輕  
駐。憔悴柔條依碧樹。似也諳情。相對  
纏綿語。漸黃昏。岑寂處。滿眼淒  
涼。悵悵堆紅絮。零落成塵香滿路。瘦減  
休文。怕逐芳菲去。

#### 【蘇幕遮】

黃喜雪 觀塘官立中學

雨綿綿。風細細。唯有輕衣。怎敵春寒  
意。寂寞闌干休獨倚。零落蟬鳴。往復  
撩鄉思。夢魂歸。荒院裏。苔滿空  
階。蘭苑添憔悴。歸燕呢喃巢故里。松下  
徘徊。點滴離人淚。

### 特別獎

(排名按姓氏筆畫序)

#### 【蘇幕遮·長醉】

莊夢芝 潮州會館中學

醉顏嬌。香面俏。倚鏡紅羞。戀影頻相  
照。曼舞輕移君莫笑。粉黛桃腮。貌美  
年華妙。落花凋。顏漸老。多少春  
暉。逝水長流了。醉臥凡塵憂路渺。且閉  
心扉。還是無愁好。

#### 【蘇幕遮】

謝恬頤 香港樹仁學院

月初明。雲漸散。閃閃漁光。光照秋堤  
岸。風急花寒黃葉轉。淚墜波心。化作  
分飛燕。事難忘。顏易變。夜夜無  
眠。烏雀林間轉。一室孤琴弦幾遍。詞曲  
輕吟。誰解心中怨。